

**PRAVILNIK  
O POSTUPKU PRODAJE DRŽAVNOG KAPITALA NA BERZI**

**I. OPĆE ODREDBE**

**Član 1.**

Ovim Pravilnikom propisuje se postupak, uslovi i način prodaje državnog kapitala u obliku dionica u društvima (u daljnjem tekstu: dionice društva) na berzi.

**Član 2.**

Prodaja dionica na berzi je metod privatizacije državnog kapitala putem javne aukcije nadmetanjem po osnovu cijene, za dionice društva, a u skladu sa odredbama Zakona o privatizaciji preduzeća ("Službene novine Federacije BiH", broj 27/97, 8/99, 32/00, 45/00, 54/00, 61/01, 27/02, 33/02, 28/04, 44/04 i 42/06, u daljnjem tekstu: Zakon o privatizaciji).

**Član 3.**

Agencija za privatizaciju u Federaciji Bosne i Hercegovine i kantonalne agencije za privatizaciju (u daljnjem tekstu: nadležna agencija) je prodavac u postupku prodaje dionica društva na berzi.

Nadležna agencija provodi postupak koji podrazumijeva sve potrebne radnje s ciljem izdavanja prodajnog naloga profesionalnom posredniku.

**II. PRIPREMNE RADNJE**

**Član 4.**

Odluku o prodaji dionica društva na berzi donosi vlada nadležna za upravljanje državnim kapitalom u društvu (u daljnjem tekstu: nadležna vlada), na prijedlog nadležnog ministarstva, odnosno agencije.

Odlukom se utvrđuje obim prodaje državnog kapitala (procenat državnog kapitala ili broj dionica).

**Član 5.**

U skladu sa odlukom iz člana 4. ovog Pravilnika, nadležna agencija sačinjava plan prodaje dionica društva na berzi, koji sadrži:

1. podatke o društvu (naziv, sjedište, djelatnost, ukupan broj dionica i nominalna vrijednost dionica),
2. obim prodaje (procenat državnog kapitala ili broj dionica),
3. dinamiku prodaje dionica društva na berzi i
4. početnu prodajnu cijenu jedne dionice.

Plan iz stava 1. ovog člana odobrava upravni odbor nadležne agencije.

**Član 6.**

Predmet prodaje je dio ili cijeli paket dionica društva, koje se u skladu sa ovim Pravilnikom, odlukom nadležne vlade i planom iz člana 5. ovog Pravilnika prodaju na berzi.

#### **Član 7.**

Početak na prodajna cijena jedne dionice društva utvrđuje se kao minimalna cijena koja se mora ponuditi za zaključenje prodaje.

#### **Član 8.**

Početak na prodajnu cijenu jedne dionice za društva sa čijim se dionicama trgovalo na berzi, utvrđuje nadležna agencija na osnovu zvaničnih podataka berze, najmanje u visini ponderisane prosječne cijene dionica za posljednjih 10 dana kada se trgovalo dionicama emitenta čije su dionice predmet prodaje.

Početak na prodajna cijena jedne dionice, za društva sa čijim se dionicama nije trgovalo na berzi, utvrđuje se u visini nominalne vrijednosti dionica društva.

U ponovljenoj prodaji, za društva sa čijim se dionicama nije trgovalo na berzi, početak na cijena dionica utvrđuje se u visini najviše cijene za dionice ponuđene na prethodnoj neuspješnoj prodaji.

### **III. ODABIR PROFESIONALNOG POSREDNIKA I OGLAŠAVANJE PRODAJE**

#### **Član 9.**

Nadležna agencija će uputiti poziv svim profesionalnim posrednicima za dostavljanje ponuda.

Odabir najpovoljnijeg profesionalnog posrednika se vrši na osnovu predočenih podataka o ostvarenom prometu, broju brokera i investicijskih savjetnika, raspoloživoj infrastrukturi i drugim referencama, kao i ponuđenoj cijeni za posredničke usluge.

#### **Član 10.**

Obavijest o prodaji dionica društva na berzi i način na koji se mogu dobiti informacije o društvu, nadležna agencija oglašava u jednom od sredstava informiranja dostupnom na teritoriji Federacije Bosne i Hercegovine i na web stranici Agencije za privatizaciju u Federaciji Bosne i Hercegovine, najmanje 10 dana prije izdavanja naloga profesionalnom posredniku.

Obavijest iz stava 1. ovog člana nadležna agencija istovremeno dostavlja i berzi.

### **IV. PRODAJA**

#### **Član 11.**

Trgovanje dionicama društva provodi se u skladu sa propisima Sarajevske berze i drugim propisima kojima je regulisano trgovanje vrijednosnim papirima.

#### **Član 12.**

U slučaju neuspjele prodaje, prodavac će pokrenuti ponovni postupak prodaje dionica na berzi u roku od 30 dana od dana neuspjele prodaje.

U ponovnom postupku prodaje dionica na berzi prodavac može sačiniti novi plan iz člana 5. ovog Pravilnika.

#### **Član 13.**

Novčana sredstva ostvarena prodajom dionica koje su predmet prodajnog naloga prenose se na račun nadležne agencije, a raspoređuju se u skladu sa Zakonom o privatizaciji preduzeća.

## **V. PRELAZNE ODREDBE**

### **Član 14.**

Ovaj Pravilnik stu pa na snagu narednog dana od dana objavljivanja u "Službenim novinama Federacije BiH".